

泰和縣志卷十七



吉安府傳和縣知縣高陽冉棠重輯

人物志二



列傳

宋

蕭 瓌 弟 琦 嚴致堯 蕭傳楫 曾 珏

楊 球 劉 過 彭惟孝 子一遵一遇一愚一鳴

泰和縣志

卷十七

人物 列傳 一

嚴 鄂 王 圭 倪師尹 子求己

嚴康元 劉令猷 王化原 康 職

蕭子蒼 劉 奎 龍震翁 羅伯壽

嚴 肅 劉子澄 蔡 源 曾 戟

蕭漢卿 曾如驥 劉 澄 蕭明哲

彭 呂 胡文可 胡文靜 劉仕昭

王士敏 蕭子安 父儀鳳

元

陳先得 陳學禮 子道 蕭泰登 曾祖逢辰

楊景行子介遠仁毅 楊 準 楊升雲

劉 諤 蕭 諶 劉萬頃 劉本泉子克勤

楊天與 王廸吉 劉楚蘭 陳 新

曾 貫 康 震 蕭 景 諸思忠

蕭宏量 曾慶道 曾以文 楊復亨

曾伯昂 楊 介 曾 耕 楊 美

尹成立 鄧學詩 尹存仁子天傳 蕭顯聞

陳煥章

宋

泰和縣志

卷十七

人物 列傳 二

蕭瓌字國器高行鄉人為詩雕琢精妙善真行書妍媚
可愛人爭慕之自號玉溪老人靖康建炎間糾合義
兵勤王境內劇盜多所平定以累舉授泗州文學不
赴有詩千餘篇名玉溪集先是建炎丁未中秋太守
方以北客王待制李龍圖在郡大設宴集妓張樂以
誇令節托瓌作詞遂作滿庭芳諷之太守見詞悵然
傳示一二貴客皆太息泣下遂罷會時坐中有不悅
者會有旨凡宴不得用妓樂大服其言弟琦字國寶

官至國學秘書 宏治志

嚴致堯字正之岳飛受鉞專征道出廬陵所過搜訪奇士致堯一見語合許以從行初龍泉賊帥彭友等盤踞四年攻破八縣至是就縛奏凱而還其後定鼎澧安湘漢取唐鄧復郢隨致堯皆在軍中屢委以事積功版授七階方將長驅宛洛而武穆罷兵柄矣致堯無以白杜郵之冤歸而自放山水間自號龍洲居士有文集三十卷

通志

蕭傳楫字功濟仙槎人讀書好禮篤于義方嘉定間授登仕郎子夢元夢吉夢良端甫姪夢得皆以科第顯

泰和縣志

卷十七

人物

列傳

三

時稱蕭氏五桂云

曾珏字天錫為人孝友敦樸有古君子之風間或對客論文賦詩圍碁命酒陶然自適也讀書涉獵百家始自得於老佛氏晚聞正學講探幽渺頓改故意既得疾即告訣人怪之珏曰死生如晝夜不足多憾索酒三飲之連呼曰吾逝矣聲絕而卒見文天祥墓志

萬歷

志

楊球字叔球博文廣識為世所重嘗建書院於清溪授徒講學闡揚道義當時學者有所疑義必走質焉

萬歷

志

劉過字改之以所居地自號龍州道人宋南渡後以□
俠名湖海間陳亮陸游辛棄疾世稱人豪皆折氣□
與之交宰相周必大聞其名欲客之門下不就性□
飲酒為文章豪放英特如登多景樓有山外青山樓
外樓之句及斗酒彘肩風雨渡江詞至今傳誦叩闥
一書請光宗過宮辭意剴切尤為中外推許嘗以書
干用事者陳恢復方畧謂中原可一戰而取不聽晚
家崑山無子既死貧不能葬知崑山州事潘友文主

泰和縣志

卷十七

人物

列傳

四

簿趙希懋買地馬鞍山麓葬之并立祠東齋之側每
歲三月縣令丞率人士致祭所著有龍洲集

宏治志

按萬歷志稱過上書不聽以是落魄無所遇合晚
年欲航海抵崑山友人崑山知縣潘友文留宿焉
尋卒于崑山不能葬縣主簿趙希懋以友人賻錢
三十萬買地馬鞍山葬之

彭惟孝字孝求西郭人博學有文議論鯁挺與周必大
楊萬里同學相友善寧宗時必大薦之朝惟孝詣闕
論時政獻賦一篇寧宗竒之拜官不受納勅歸隱以

詩書自娛明堂覃恩子一遇授龍安簿一鳴一遵授
廸功郎致仕一愚擢進士第授武山尉陞來賓令有
治行 宏治志

嚴鄂執中孫字士明倜儻好義孝宗初詔求直言鄂上
書萬言極論世事既又作邊防龜鑑七十卷太守王
佐薦之朝會東宮正位又奏太子頌一篇淳熙初江
西旱民乏食鄂首發廩減直濟民又勸富家出穀數
萬賑之遠邇賴以全活 萬歷志

按宏治志載鄂同姪萬全捐修道義門是鄂本姓

泰和縣志

卷十七

人物

列傳

五

嚴也通志作劉鄂誤

王圭字叔可天性至孝事親每日承候顏色衣食不經
手不敢進父卒哭幾喪明平生無所不學學者稱為
虹溪先生理宗第封榮王嘉其文行辟掌府箋翰注
為國子生得封其母為孺人母沒喪葬如禮廬墓三
年而後去宏治志

□師尹字德一刻苦好學一舉登第初任英州獄掾往
時獄掾兼理公庫太守周彥輝以命師尹不可則引
□而折之師尹曰三尺固存吾安問例嶺南州郡獄

具大率苟簡師尹更革損益一以新書從事適鄉人
嚴康元為韶州錄叅移書質之分寸纖悉如式師尹
無書不讀尤長於四六嘗投啟太守趙不積有云片
言可以折獄非曰能之一介不以取人固所願也不
積稱賞累日其精確如此子求己登淳熙間第與邑
人嚴萬全同修邑志 宏治志

按人物志載師尹卒於任貧無以歸其同官助之
妻嚴氏泣曰吾夫廉忍累之乎力辭不受則其妻
固亦賢婦也又萬歷志載王旻毆婦姚氏兄姚光

泰和縣志

卷十七

人物

列傳

六

救之遂毆旻致死師尹謂救妹而殺人其事可原
欲活之獄未具而卒其事疑舊本之誤今削之

嚴康元字自中坊郭人風流秀整操履端正流輩皆敬
重之弱冠游賢關偶傳邊警遂束書南歸時端明殿
直學士胡直孺帥南昌以孫女妻之奏補廸功郎韶
州錄叅有僧告其徒謀變連染數十人鍛鍊將成康
元力為辨析再鞫得實全活甚衆部使者首加獎薦
後為會昌臨湘兩縣令撫仁柔懲奸暴掃弊去蠹潔
已便民改朝奉郎潮州通判而卒 宏治志

劉令猷字辰告獬子幼穎悟年二十五中鄉舉明年登第授婺源尉再調贛州興國簿調常德府觀察判官先是任興國吏齎金來迓令猷却之任常德地號險阻為部使者所委奉檄奔走不辭人以為勞令猷曰分所當也嘗考試宜春江陵號稱得人

宏治志

按萬歷志稱令猷為常德府推官辭受進退有獬之風

王化原贄之後登淳熙五年進士初為新淦簿時缺令化原一以禮法治之人憚其明治聲翕然遷鬱林州

泰和縣志

卷十七

人物

列傳

七

司法其俗頑獷化原謂繩之以法不若撫之以恩凡有獄訟必誨諭不改然後用刑人皆知感既去思之

宏治志

康職字景材紳溪烈四世孫博通經史為鄆陵令廉潔自持藉藉有聲弟景明以經明行修辟為潯州同知

宏治志

按宏治志又稱楊士奇紳溪康氏族譜序謂景明為梧州同知未詳孰是

蕭子蒼功濟從孫淳祐六年鄉薦德祐乙亥文天祥提

兵江辟為臨江軍司戶補廸功郎 宏治志

按宏治志又稱科舉錄無子蒼名止有蕭應角疑即其名也

劉奎字幼文邦昌孫自幼穎悟讀書過目成誦年十七領鄉薦又五年登第初授大庾簿再辟雩都令更授宣教郎寧鄉令累轉朝奉郎通判濠州未行而卒其宰寧鄉北兵逼城奎修城調兵靡有遺失時制師苦軍儲不給奎以縣帑竒贏千緡上之為諸邑倡至於決疑獄周饑民興學校計軍實俱有善政臺省交章

泰和縣志 人物 列傳 八

薦之 萬歷志

龍震翁甘竹人性孝母没未葬山寇焚掠火其居震翁倉皇無計夫妻俱抱柩死死處有枯梅明年六月作花事聞理宗旌其門曰孝梅里又御製詩曰南風六月吐梅花竒絕西昌孝子家一點落英千古月夜來

啼殺後棲鴉 通志

羅伯壽東城人習舉業工八韻有聲嘗刳股起親疾事聞於朝表其所居之坊曰旌孝後為盧溝簿趙孟頫贈以詩曰江西水清石鑿鑿士生其間多異才今去

□黃未為遠要湏力挽古風囿萬歷志

嚴肅字方子東城人嘗著易說十四卷咸淳中丞相馬廷鸞江萬里皆好其書為獻於朝徵為秘書省校勘到官數月即自免去曰吾豈以六十之年而不知止乎學者稱朴山先生後人于其所居建朴山書院元揭溪斯為著嚴先生碑宏治志

按通志據人物志嚴肅字左方號朴山與此異劉子澄字清叔號玉淵嘗為匠簿知棗陽後較畫史厓軍事為賈似道所忌連貶少負俠氣劉將孫稱其有

泰和縣志

卷十七

人物 列傳 九

史才論文嘗欲出韓柳歐蘇上曾居趙葵幕府席上賦鹿分韻得方字云世間此物多為馬寶劍還宜出上方又賦雪得蠅字云自怪神仙騎白鳳不教天地點青蠅諸皆絕倒壯歲為建安真氏門人後隱廬山所著□玉淵稟及平淮疏補史行於世萬歷志

蔡源字□甫坊郭人登寶祐四年進士與文天祥同榜歷官□農少卿湖南安撫使當時葉夢鼎李芾文天祥皆為其舉將葉嘗銘其母夫人之墓萬歷志

按康熙志今西門蔡家園東門蔡家巷皆其故址

曾戟中慶元五年童子科里有洲因戟名神童洲楊誠齋萬里贈以詩曰吾黨曾童字叔榮八歲文科試童子舌端九經若翻水属句方員超阿泌精神玉雪照人寒骨格麟鳳夾道看金殿前頭奏篇了一日風雲生羽翰又嚴杞鄧有興中嘉定間童子科與曾戟俱未仕卒

萬歷志

蕭漢卿仙槎人幼穎悟通易經寶慶間領鄉薦任寧州學正侍郎鄧光薦嘗稱之曰以謹重持身以謙遜受益以寡默為道卒于官

宏治志

泰和縣志

卷十七

人物

列傳

十

曾如驥字德稱文溪人登淳祐進士歷宜春大治簿尋改江東安撫使機宜文字少傅呂文德尚書吳革都丞李芾列刻於朝陞寶慶通判會守缺奉命攝郡事歷階朝奉郎時李帶鎮湘潭相約為援德祐二年二月元人克潭州芾死節湖南諸郡皆降於元且聞臨安迎附人情洶洶驥呼弟如駿曰吾起書生官省郎從二千石後今攝郡事誓與此城俱矣然不可絕先人祀汝亟歸弟泣別去遂取考功印紙題其上曰謹將節義二字結果印紙一宗了却神遊何處澄江明

月清風八月元兵自長沙來大書舍生取義章粘置齋壁兵將入城衆請迎驥叱之乃登子城赴濱江自沉死數日得尸江中殯於太平寺北將義之退兵三十里俟葬畢乃入城景炎元年詔褒節義之士贈敷文閣待制賜謚忠愍至今祠焉

萬歷志

劉澄字定伯為詩曠達類晉宋間人善談名理辨者莫能詰意有所至輒於詩發之朝咏賞笑興出物外性嗜奕飲酒可一二斗酒酣浩歌或投冠袒裼旁若無人或臭息雷鳴徑卧坐上與文信國天祥友善一日

泰和縣志

卷十七

人物

列傳

十一

過天祥極論時事抑揚不少挫詰且無疾而終天祥哭之三日不能止澄家計甚薄粗了伏臘有贏錢即為供具以樂賓客來者即投轄唯恐亟去所著有前

村稿

萬歷志

蕭明哲字元甫貢士剛毅有膽氣明於大節從文信國天祥于汀梅督府幕及出江西以督幹架閣監軍監贛縣義兵收復萬安縣尋復龍泉天祥敗明哲入野陂連結諸寨拒北軍為鄉賊所陷被執遇害于龍興臨刑大罵不絕口南北軍壯之

宏治志

彭呂字景望西郭人幼孤勵志於學以明經舉為虔州濂溪書院教諭元兵陷虔棄官入廣從文丞相天祥死焉子方拙質直不阿號月溪處士

宏治志

胡文可字可山高行人其先祖箋紹興中由太學生□南城丞文可以任俠雄鄉里有謀畧便騎射文信□天祥起兵勤王文可從之與參謀議禮為上賓先夕天祥夢火明日文可衣緋衣謁軍門與語甚喜曰殆天以賚我耶號之曰夢炎天祥敗文可亦被執間得脫歸卒於家

宏治志

泰和縣志

卷十七

人物

列傳

十二

胡文靜字靜山文可弟先授提督時無敢拒北兵者拒即屠之太和已歸元乃招致文靜堅志不撓言寧死不負趙氏卒屠其家

康熙志

劉仕昭本針工元兵入太和仕昭與鄉人同謀興復既敗嚙指血書帛云生為宋民死為宋鬼赤心報國一死而已自縊而死

宏治志

按萬歷康熙兩志作士昭

王士敏景炎二年與劉仕昭謀復太和軍敗為元兵所執入獄慷慨不撓題其裾曰此生行無復望生還一

死都歸談笑間大地盡為腥血汗好收吾骨首陽山
臨刑嘆曰吾恨疾失聲不能大罵耳

宏治志

按康熙志作黃士敏今從宏治萬歷兩志又按萬
歷志云景炎間丞相文天祥興勤王之師二時響
應者莫多于泰和今其存而可傳者五人而已此
五人無尺土之寄一旅之威乃捐軀以殉社稷彼
豈有所為而然抑暇計其事之濟否哉忠義之稱
蓋自古記之矣

蕭子安仙槎人父儀鳳宋舉漕貢子安為王府掌記從

泰和縣志

卷十七

人物

列傳

十三

文丞相天祥舉義事敗覆其家

楊東里文集

元

陳先得字辰翁柳溪人早歲擅聲場屋代革科廢輒賦
詩自適詩率冲澹淵永所居僅蔽風雨有隙地輒蒔
菊為娛學者稱菊存先生年四十由薦歷萬安寧都
永新興國贛縣五學教諭陞瑞州路西澗書院山長
至六十名上中書部注將仕佐郎贛州路教授致仕

年九十四卒於家

萬歷志

陳學禮字季立先得子貧而力學攻醫常懷藥濟人至

元中以薦為瑞金縣學教諭轉梅州學正學有田見
侵於獠獠學禮按籍取之有懷金為謝者却不受陞
廣州府學教授徒步赴官僉事劉嘉其清苦至則復
侵地覈隱租大新學校陞贛州司獄贛州獄具酷械
牀以石為之學禮易以木夏脩溷浴冬給薪炭衣食
其飢寒訖官三年無一人病死者獄有雩都人因守
禾為盜挾去劫人事覺坐罪學禮言於部使者得白
其冤未幾陞瑞金縣尹訟簡徭輕民以休息時郡守
政尚嚴峻屬吏無所容獨重學禮尋以贛州路推官

泰和縣志

卷十七

人物

列傳

十四

致仕卒年九十子道子貧而能學以帥府檄分教始
興新興東莞三學遷韶州學正所至有聲改潮陽教

諭未赴任卒

萬歷志

蕭泰登字則平瀘源人曾祖逢辰官宋敷文閣學士江
南西路安撫使兼知吉州軍事嘗因其父耒陽令知
節置贍族義田又收養道旁棄兒族閭德之泰登弱
冠時試吏丞永豐遷湖南道儒學提舉江西行中書
省以名聞擢承務郎僉海北廣東按察司事會有獠
賊逼城衆惶懼失措泰登獨奮曰督捕非憲部職耶

即上馬出將吏驚馳獠遂遁去因按所部與獠通自
守令以下咸抵罪又建減韶州賦銀之半悉條海口
積弊躬詣臺言之至元三十一年遷兵部郎中使安
南時安南已失藩臣禮聞有詔使疑懼相半泰登諭
以朝廷恩德歸所盜邊地二百里遣使奉表貢獻謝
罪還報授連州知州未拜丁憂服除起為江西儒學
提舉僉嶺南廣西道廉訪司事陳便宜二十五事柳
州左道謀叛論死者二百人泰登錄之而釋不知情
百三十有七人他所辨雪不可勝數凡黜貪謬又二

泰和縣志

卷十七

人物

列傳

十五

百一十人進階奉直大夫拜南臺監察御史建言十
事大德七年分按江浙卒於驛舟

萬歷志

楊景行字賢可宋延祐二年進士授會昌州判官會昌
之民不井不陶所居以茅覆之飲則于河故多疾癘
火災景行教民井飲而瓦屋前患乃消有濠民號十
虎法之始修學舍禮師儒勸民斥腴田以膳士絃誦
之聲遂盛調永新州判改江西行省照磨轉宜黃縣
尹理白冤獄之不決者數十事陞撫州路推官行縣
理獄人頌無冤金谿民陶甲屢以厚貲陷長吏吏不

敢詰暴于一郡景行痛繩之徙五百里外有僧雲住
發故官塚取財物事覺官吏受賄緩其獄獨畏景行
賂當道者以危言撼之一不顧卒治如法由是無敢
犯者轉歸安縣尹年七十以翰林待制朝列大夫致
仕卒有五子介遠仁準毅皆有文行介字公望遠字
公辰仁字公榮準字公平毅字公武善騎射與介同
應達監州辟禦寇境上有保障功仁長而未育子景
行命遠之子美為其後後以美子士奇貴四人俱贈
柱國晉少師兵部尚書兼華蓋殿大學士

萬歷志

泰和縣志

卷十七

人物

列傳

十六

楊準字公平景行子履行修潔嘗從學吳文正公澄文
章高古甚為虞道園集歐陽圭齋元所推許危太朴
素尤敬服之時修宋遼金三史諸公薦之不就號玉

華居士

人物志

楊升雲字雲衢景行姪學問淵博為文章頃刻數千言
江西左丞郝天挺舉為瑞州路學正既登第授信州
貴溪縣丞居官正直不畏疆禦天師張恃寵驕縱為
民患升雲數以法繩之不少貸張嗾當道誣謫之降
陝西鈔庫官明年御史廉得實白於朝改新淦州判

鋤奸植善志不少挫州有強盜十餘人無有能殄口者升雲捕送上官故縱之遂棄官不復出

宏治志

劉諤字公榮幼時學聲律比長涉獵諸子百家每謂學者用志專則其源不窮耳目所得非自得也作省身八箴曰明善惡審去取不苟笑不妄語慎若思遵汝止克己私復天理又作善惡二箴置之左右應聘為邑訓導營別業迎養二親盡孝居閒指書櫃語人曰吾治生無長物子孫籍此有興者一日命肩輿往母墳所且拜且辭不數日疾革或問所欲言命扶掖端

泰和縣志

卷十七

人物

列傳

十七

坐明誦朱子小學題辭一過而卒學者稱為快軒先

生

萬歷志

蕭諶字一誠千秋鄉人年十二通經史倜儻有志節初授萬安縣學教諭龍溪書院山長南康路照磨江西竊發嘗移書諷憲使韓準併作條嘯吟美忠義刺奸邪人爭傳誦後陞奉訓大夫福建儒學提舉子尚克

世其家

宏治志

劉萬頃字憲翁四歲能誦書八歲習聲律應口成韻平居聲利泊如至議論文墨辯析義理必求要歸大父

父母繼喪哀毀成疾嘗以平生所為文呈江西左丞慎齋董公一兒喜曰以子之才當致大用欲引援北上固辭杜門讀書嘗自銘其墓年七十七以壽終有所存藁三十卷學者稱所存先生

萬歷志

劉本泉通易學屢試有司不售至正間江西廉使吳當舉授潮陽儒學教授兵興叅政全子仁命領兵鎮興國界賊不敢犯洪武初聘主考試以老辭教授鄉里後進多所成就二子克壯克勤皆以縣佐得名

萬歷志

楊天與字與可族蕃且富天與兄弟俱文而貧頽然長

泰和縣志

卷十七

人物

列傳

十八

身幅巾衣履非弔喪問疾不出門日取書懷袖閒吟誦而樂之無饑寒之色性嗜酒不能常得歲授徒里中諸生多為致之每旦坐堂上諸生執業以次進善為講說旨義各得其所通者精易卜時為人決出處得失進退如響而不為機祥變怪之說其義止於玩爻審象而已為詩文率口占以授意到或自書之口無滯詞筆不停綴然不喜著稿故多不傳年六十三

以疾終劉

職方集

按楊天與劉崧受業師也林志不載通志採職方

集中澹觀先生傳補入今仍之

王廸吉字浩吾西城人通五經卓然為鄉鉅儒出其門者皆博碩之士國子司業劉崧贊云五經堂堂學者仰衣冠襜襜德之望

通志

劉楚蘭字芳叟父繩武宋亡隱居講學學者稱琴軒先生楚蘭其長子也至元初舉茂才授建昌文學陞吉水教諭以親老辭祿歸養益肆立於學尤深於易壘土結茅名玩易齋其後攝鄉校凡親承議論者悉有宏益世稱深林先生

海桑集

泰和縣志

卷十七

人物

列傳

十九

陳新字以新西城人新淦州判既歸省監州達正道聞其賢辟守州之東鄉時援少食盡堅守不告被執抗節死之

通志

曾貫字傳道城西人由鄉舉任紹興路照磨著周易變通四書類辨庸學標旨數卷傳於時應達監州辟禦龍泉寇戰於觀背死之

宏治志

按曾貫傳學庸標旨通志作標著誤

康震□宗武曾從吳草廬澄劉申齋岳申遊應薦為益陽州慶州書院山長秩滿以親老告歸家富好士曾

作匡山書院館穀四方學者達監州之守州也震力助焉叅政全子仁率師東下糧械取其大家震亦傾貲為應會熊天瑞入寇匿重嵯三日不食死有思治集藏於家

萬歷志

按新志震世居紳溪後徙路溪高坪通志匡山書院作莊山蓋音訛也

蕭景字思賢仙槎人景性孝友美髯目光如電腰大數圍曾捐田易鄉人侵陂三所溉田數百頃利及一方全子仁至縣景投牒出貲為築五里營有假佛號亂

泰和縣志

卷十七

人物

列傳

二十

者伺出斬之衆心懾服已而論功授萬安尉景曰以亂徼功可乎不受

萬歷志

諸思忠字孔厚仙槎人少負豪氣元季恐有變白監州達正道求為保障許之即倡義領丘扞賊芻糧兵器皆自脩鄉里無事全子仁承制署□興國卒于家

宏治

志

蕭宏量梁瑞甫俱高行鄉人收養壯丁自給糧械奉達監州令防禦早禾市西北鄉之民皆賴以安

萬歷志

按萬歷志梁瑞甫作梁睡甫今從康熙志作瑞□

會慶道字道峰匡源人博聞強記長於史學又善技口

佐趙軍頓兵石壁斫賊數百陷陣死

康熙志

曾以文慶道長子痛父被難請繼父職衝鋒追殺腹背

受敵死之

康熙志

楊復亨曾官典史與曾貫曾以文同死龕村

康熙志

曾伯昂本姓劉荷山人亦同十義殉難者

新志

按萬歷志招義傳云監州達正道時寇陷吉安所

在無完城監州獨以招義兵固守常時有所謂曾

伯昂等十義士者今其事皆逸亡且莫得而詳其

泰和縣志

卷十七

人物

列傳

二一

姓氏矣問諸故老所傳者東鄉則有陳新康震蕭

景諸思忠西北鄉則有曾貫蕭宏量梁瑞甫蓋其

著也康熙志云唐稱十義士以曾伯昂為首心竊

疑之而苦於無徵及閱蕭正固送曾伯川序謂伯

昂從軍海上卒能全身保家又解大紳作楊子將

墓誌銘言伯昂為仇所逼走袁州子將送之百里

外得免及梁侍讀為伯昂銘言伯昂本姓劉諱顥

荷山人清江簿楊介之壻壯而精悍彎弓馳馬以

此自豪元本盜起散金帛聚鄉勇保護一方叅政

聞其名辟佐戎幕托疾歸後以事戍贛改戍遼東十二年而沒又十五年始携骨歸葬于浜溪據此則伯□雖同挺身禦寇未經死難然唐志以伯昂為十義之首諒非無考義同則死亦宜同祀矣故兩載其說以俟參考

楊介字公望景行子廕補清江簿會朝廷造鈔徵料墨監州達理馬識禮募兵保辟介率兵戍玉山介嚴約束寇不敢犯未幾陳友諒兵至令錄寓官備用介曰苟有見汙辦一罵以死耳遁跡山中鬱憤而死

人物志

泰和縣志

卷十七

人物

列傳

二二

曾耕字存翁城西人兄貫元季亂死於寇耕以母喪哀毀死鄉人語曰兄為忠臣弟為孝子世教所關死猶不死

萬歷志

按萬歷志又稱舊志載耕以書經中乙榜授瑞金縣學教諭考科錄無其名

按康熙志十義士者陳新曾貫康震蕭景諸思忠蕭宏量梁瑞甫曾慶道曾以文楊復亨而唐志以曾伯昂為首則又不能無辨也元至正間紅巾賊起迎韓林兒為帝攻陷州邑□寧蠡應於是詔□

天下義士捍衛具地時監州達正道判官趙友直
徵選才勇分領禦隘賴此十人奮身擊賊獲保州
城故署名忠義之邦宏治志十義士皆畧而不傳
蓋元載以議姻一事有憾於曾所謂以私揜公也
青螺大記亦止載陳新曾貫其事未詳萬歷間唐
曙台遍搜十人僅得其八猶出父老傳聞疑信相
半余思忠義之邦由十人得名不應終没人間刻
意訪求又得曾慶道曾以文楊復亨三人一見於
蕭正固合傳一見於曾眷家傳正固乃明初徵辟

泰和縣志

卷十七

人物

列傳

二三

會館於龕村悉見而知之眷為慶道嫡裔稽諸宗
譜諒無訛筆叅之前志共得十一人矣顧伯昂始
末別有考據疑非同時死難然舊志所記究亦不
敢逸其名噫宋有六忠元有十義建祠祀之莫不
興起今仍之

楊美字子將性至孝元末寇入西昌季父遇害美俟退
趨還掩葬為寇所執索窖藏美曰本儒家實無窖藏
所不出走者以叔父耳寇義而釋之奉親竄伏山谷
採拾為養一親繼沒竭力營葬既而避地表州會亂

初定憶其父沒時有改祔之命即有趨還葬啟母壙失一指骨徧求不得號痛幾絕夜卧墓側夢一老父告其處寤而求之竟得人以為孝感美事母胡生母嚴一體故二母聚處甚懽美雖教授未曾曠定省生徒相戒以為法云

萬歷志

按萬歷志又稱美八歲能詩嘗與諸兄夜賦祖待制側約先就者退美先就然必俟俱乃出待制覺而詰之曰不可先兄待制益異之邑有陳海桑鉅儒也待制遣從之遊陳曰吾門中鮮比以其弟之

泰和縣志

卷十七

人物

列傳

二四

女為女妻之

尹成立字能敬元季之亂其家母弟各被虜相失惟成立以善卜避免乃佯賣卜軍中求母幽憂飲泣至袁州新昌有軍人送還其母貸金一斤謝之乃又榜求弟所在偶奔告者即携金二斤俱往果又得弟歸弟異母弟也時方十一歲母弟生還聞者嘆賞事詳烏

斯道傳

萬歷志

□學詩字崇雅鄧神童五世孫元李寇入西昌負母劉氏逃途遇賊斫之幾死繼寇至見母哭其傍憫之傳

以善藥又解衣覆之久乃蘇最後復遇渠寇知其儒者口占一詩命之和約和得不死詩曰頭戴血淋漓負母沿街走遇我慈悲人與汝一杯酒我亦有家兒雪色同冰藕亦欲知汝賢未知天從否學詩應口和曰鐵馬從西來滿城人驚走我母年七十兩足如醉酒白刃加我身一命懸絲藕感公恩如天未知能報否渠寇喜予酒肉又遣人導出城得遠去全其母子明初以薦授固陵稅課使持廉施寬商賈爭出其市秩滿徙平陽晚得目疾喪明遂引歸號疾退子貧甚

泰和縣志

卷十七

人物

列傳

二五

邑教諭陳士希為備後事有詩集若干卷

萬歷志

尹存仁字安所洪富人甫冠侍父善卿客汴父卒適江淮兵起不得歸藁葬旅次廬墓三年負骸以歸道數遇賊皆義而釋之既抵家隱居養母友愛二弟子天傳讀書能文累辭徵辟以終養祖母鄉族稱其慈孝蕭顯聞宋登仕郎功濟五世孫與弟繩武好讀書有志家素富建義倉歲濟貧乏設義塾延明師以教四方學者至正間以茂異徵授星子縣學教諭尋兵興監州達正道命集義兵控制州南三鄉與清江簿楊

介協謀守禦仍盡出私帑以給軍用三鄉之民以安
州上其事省府檄顯聞為安福州同知繩武永新州
判未幾叅政全子仁至太和征求苛刻顯聞厭之且
知天命有在疾赴江東歸附於是繩武及其二子遇
害沒其產業明初顯聞妻攜二子訴冤其產得還後
子用昌復以獻於官歲久田多荒蕪其孫琥迪倣聞
於朝遂觸其額

萬歷志

陳煥章父存道卒于兵煥章負骨還葬芝產東圃者三
已而子孫科第人以為孝感

康熙志

泰和縣志

卷十七

人物

列傳

二六

泰和縣志卷十七

終